



## BRANCH YMA EXECUTIVE MEETING THUKHAWM

### Branch News

**Chanmari West, October 09:** Ni 7.10.2011 (Zirtawp) zan khan Chanmari West Branch YMA Executive meeting chu President kaihruaina in Pu K.Darthantluanga In K-Section ah an thukhawm.

Meeting ah hian Branch YMA Sport neih zawh tak Review na hun hlimawm tak neih a ni a, committee chuan hlawhtling a tiin mawphurhna hlenchhuak zawng zawngte chungah lawmthu a sawi a ni. participation Prize lawmman atana ` 15,000/- lai mai thawhtu Pu F.Zosanga te chhungkaw chungah lawmthu a sawi takzeta ni. Sport neih zawh takah khan member 43 lai mai kan pun belh thu ngaihthlak a ni bawk.

**YMA Gen.Conference chungchang :-**  
YMA General Conference 2011 Kolasib-a Ni 25-27.10.2011 a neih turah kan Branch atanga kal tumte chu Ni 16.10.2011(Pathianni) ral hmain Branch Secretary Pu R.L.Thanhnuna hnenah ` 100/- pein in report tur a ni. Motor hman tum a nih avangin kal turte chuan hei hi ngaih pawimawh theuh tur a ni.

YMA General Conference lo awm turah hian Conference ah hian

Mizo incheina/inthuamna ngai pawimawh theuh turin Sub-Hqrs. Kolasib chuan palaite a ngen a, kan Branch hi Counter No.3, Diakkawn Branch ah kan thleng dawn a ni. Zawlbul chungchang :- Working Committee atangin report ngaihthlak a ni a, Ni 17.5.2011 atanga sum hmanral tawh zawng zawng chu Rs 6,14,993/- niin tha (hlawhfa bik) 552 sen a ni tawh bawk a ni. Hmalak zel dan tur leh a tul angte lo buaipui chhunzawm zel turin Working committee meeting chuan a ngen a ni.

Zawlbul fund khawn mek luh tawh dan hetiang hi a ni :-

CH Section	:- ` 42,350/-
K-Section	:- ` 38,500/-
N-Section	:- ` 15,050/-
T-Section	:- ` 50,850/-
V-Section	:- ` 44,750/-

**Total :- ` 1,91,500/-**

Meeting ah hian member 17 kalin Zan dar 10:30 ah tin a ni.

## CEC MEETING HNUHNUNG BER NEIHA NI

Ni 1.10.2011 khan 2010-2011 chhunga CEC Meeting hnuhnung ber chu Pu Lal Chungnunga President kaihruaina in Central YMA Committee Room-ah neih a ni a, meeting ah hian Pu Lalbiakzuala, General Secretary in report a pe a ni.

General Secretary report-ah hian Tuikuk laklet te Mizoram khua leh tui dik takte an nih leh nih loh a hmuna enfiah tura Pu J. Lalsailova, Fin. Secretary, Pu Roneihtanga CEC leh Pu C. Vanlalsanga CEC te an kal thu ngaihthlak a ni. Sairang leh Zuangtui a mi bo zawngtute ei leh in atana ` 12,000/- pek a nih thu ngaihthlak a ni bawk.

**YMA General Conference chungchang :** YMA General Conference 2011 Kolasib-a Ni 25-27.10.2011 a neih tur Programme duan chhin (Draft) thlir ho niin Programme Committee te uluk zawkin lo siamtha leh tura tih a ni. Kum 2011-2013 hruaitu thlanna a R.O turin Pu Vanlalrema Rokhum CEC, ARO - Pu C. Zolian CEC, Secretary - Pu H. Vanlalrawna CEC leh Asst. Secretary - Pu B. Rothangliana CEC te ruat an ni. P.O tur hian CEC Nomination-a awm lo te leh CEC hlui remchang sawm nise, Sub-Hqrs. YMA President leh Secretary te ruat an ni bawk. YMA General Conference 2011 tiak zan Ni 27.10.2011 hian Mi harsate pualin thawhlawm khawn nise tih a ni.

He Meeting hian Sihphir Vengthar Branch YMA-in Sihphir Venghlun Branch YMA tia thlak an dilna chu pawmpui an ni.



Karleh Ni 13&14.10.2011 khian Chief Minister Running Trophy intihsiakna A.R.Lammual-ah neih tur a ni a, hemi ni hian kan Branch YMA aiawha hnam lam entir turtie tawiawm turin veng mipuite kan in sawm a ni.



Heng mite hnen atang hian puau dawn a ni a, an chungah Br. YMA chuan lawmthu a sawi takzet a ni.

- 1) Maj.K.Thangkima 'N' Section - 10
- 2) Pi Laltanpuii 'T' Section - 5
- 3) Pu C.Liankhuma 'CH' Section Pi Lalthianghlimi(L),Zamuang khua tuamma puau -1.



Pu Rosiamngheta Councillor ward No.5 a mi chuan Branch YMA in a tul anga hman turin Silpouline a rawn pe a, a chungah lawmthu an sawi takzet.



Zawlbul sak mek a hnatlangte ei leh in senzo atan Rs 500/- ve ve Pu F.Lala leh NI.Lalramengzami ten an rawn pe a, an chungah an lawm hle.



October - December thla chhunga Br. OB te Represent na tur :-

K	- Vice President
N	- Secretary
CH	- Asst.Secretary
V	- Treasurer
T	- Fin.Secretary

## LUSUN KHAWHAR

Pi Rosangi Sailo (66) W/o Maj.K.Thangkima, N-Section chu Ni 3.10.2011 zan Dar 9:30 khan a boral a, tin, Pu PC.Lalremsiama (43) H/o Laltanpuii, T-Section pawh Ni 4.10.2011 Dar 12:15 khan a boral bawk a, an kalsan tak an chhungte Branch YMA chuan a tuarpui takzet a ni.



## TUN KAR CHANGVAWN

Tinungtu chu thlarau a ni, tisa chu engmahah a tlaktlai lo; in hnena thu ka sawite hi thlarau a ni, nunna pawh a ni.

Luka 6:63

**Editorial Board****Editor**

RK.Rozidinga  
9436142304

**Joint Editor :**

RK. Malsawmkima  
9862578441

**News Editor**

Tv.Thangkhuma  
9862303135

Pu Vanlalhluta  
9862366308

Tv. Vanlalfawna  
9856301975

**Cir.Manager**

Johny Lalthanpua  
9612359161

Jacob Lahrinsanga  
9612319779

**Production Manager**

R.Lalhmachhuana  
9436151817

**Branch Office Bearer****President**

T.Ngurkhuma  
9436190843

**Vice President**

R.Lalhmachhuana  
9436151817

**Secretary**

RL.Thanhnuna  
9436152760

**Asst. Secretary**

K.Darthantluanga  
9436196071

**Treasurer**

C.Lalzarliana  
9436142049

**Fin.Secretary**

Lalthuamluia  
9612216649

**Advisers**

Pi Zamanthangi  
Pu Vanlalsawma  
Pu Rothuama  
Pu Lalbiakthanga  
Khangte

*Nang erawh chu engkimah jimpkher la, hrehawm tuar la, Chanchin Tha hriltu lam hna thawk la, i rawngbawlna kha hlen rawh. II Tim 4:5*

**Editorial :**

'A taka thawktu nih a pawimawh'

Branch YMA in Sport a buatsaiah zawn takah khan memberte kan phurin kan tang tlang hlawm hle mai a. YMA member engemawzat kan inziahluh belh nghe nghe a nih kha. Kha Sport khan rahtha a chhuah ngei pawh beiseina a san viau laiin Branch in hnatiang a koh ah Sport na ang khan kan phur leh si lo hi chu memberte leh hruitute in enlet kan ngai khawp niin alang. Mahni nuam tih zawng maia inhmang lo hian YMA meber kan nihna zawn atang zawk hian YMA activities ah hian a taka thawktu nih tum theuh turin memberten tan ila tha rong u.

**Article : THANTHUAMLIANI MEMORIAL : CWBYMA SPORT 2011**

- Hmingthana, V Sect.

Section pakhat Secretary ka nih bakah Football ah Player ka ni si a ka review chu a bias palh ange ka tih tlat paw'n, kan News Editor Tv Thangkhuma'n 'Sport na ah ka tel tam ve vak si lo a i kutah ka dah tawp ania' ti a mi kar tluk tluk vang leh kan sport kha review loh atan chuan a uihawm em a ka hriat avangin tlem azawng han thlirlet puat puat ila, hun neilo chung leh a tir atanga inpuahchah miahlo ka nih avangin a famkim lo hle ang. Player kum naupang zawkte an hming hriat mumal ka nei tlat lo a, thil hriatsual palh a awm tam in a rinawm, ka en vek bik lo a, a pawimawh zawn zawn ziang ziak ila a sei lutuk dawn a, midang pawhin thlirna tlang dang dang atanga rawn review ve turin ka sawm nghal cheu a YMAAW pawhin an welcome em em che u in ka ring.

Upa Thanmawia boral, a khawhar in hmasa zawk banah Pu Valtea te inah Branch Committee neiiin Sport neih chungchang thurel zingah telh ani a. Member te kan lungrial tlangin tul ti lo ber Chairman Pa Ngura ber pawn, 'hmeichhe Football telh ngei tur, kekawrbul an ha ngei tur ani' tiin a 'Veto Power' hmangin hmeichhe Football a telh sa nghal ul ringawt mai a, thildang sawi tam ngailo in a hun, a hmun, a Item sawi chhoh nghal ani a, rel luh luh chi alo nih lem loh avangin Organising Committee siam in an kutah kan dah fel ta then a. Organising lam hian a hun a hmun Item leh tul dang zawn zawn an rawn ruahman fel vek ani.

He kan Sport tur hi kan vei tlang bawk ani ang, Branch Committee Sir Te-a in, Pu Thuamluia in leh Pu Sena in a kan neih ah te topic hrang hrangin kan chai fe a, Branch Committee hian Section te kan tang ulh lutuk ang tih a hlau takzet bawk a. Kan Sport hi Ni 17.Sept leh 24 Sept.2011 inkar a neih ani tih hre tlang bawk ila.

Basketball :Zing lama khelh Basketball hi a nawlpuiin kan tuipui lem loh amaherawhchu a khel thin ho tlem azawng ngainat zet mai a ni a, kan Sport neih lai tak kha a Season loh lai tak kan ti dawn nge Section tin kha Item dang ngaihtuah in an inpuah chah nep deuh hlek a, Basketball ah hian kan veng chhungah Talent a lo awm hle mai . Section tin mai kha an lo tha fu hlawm mai a, an intluk tlang fu mai bawk a beisei phak aiin player thiam tak tak Section tinin an lo kawl fer fur mai alo ni a, K leh T Section te Final ah intumin Player tleirawl tha rual tlang em em mai Teamwork nei tha tak K Section an champion ta a, T Sect. players te thiam hle mahse Point 2 lekin a vanduai ah an tang ta zawk a ni.

Volleyball : Volleyball hi kan veng Indoor Stadium ah Zan Dar 8 hnu lam atangin khelh thin ani a. Hmeichhe Volleyball ah CH Section in Veteran ho rawn thawh chhuak in an tha zek mai a, T- Section an tum hmasa hlauh mai a, Game 1 lek an khelh ah an insiam tha hman lo a, V Section ho pawh N leh K tumin an khel buai fe mai a, T Section nen an rawn Final meuh chuan in siam tha hmanin an experience player te chhawr tangkai in chak zawk ah an rawn tang daih mai a ni. Player nei tha em em T section an hneh thei kha chu an vanneih vang a ni a tih loh theih loh.

Mipa lamah chuan V Sect an thiampuipa berin damlohma vanga rawn theih loh san a an nawi deuh e tih bak kha chu Team an rawn tha rual tlang fu a mahse an inpuahchah tha tawklo tih an Game theuh ah a lang. T Section leh CH Sect pawh lo thiam tawh thin an ni tih a lang a, Volleyball hi kan Veng Game ve ber ni a kan lo ngaih thin Mizoram ah pawh a Top pawl lo ni reng thin ah chuan Game in beisei a pha lo in Player chhuak thar beiseiawm tak tur hmuh tur an tlem lutuk deuh ani. N Sect leh K Sect in Final hmuhnawm em em mai min entir a, a tawpah K Sect in an experience chhawrin an vannei ta a ni.

Football :Hmeichhe Football ah T Sect in khel daih tur Player an rawn nei lo a, CH Sect in khel daih hram neiiin 11 an tlin zo lo a, N leh V in tumin N Sect in Goal 1 khungin an nawr beh char char hnuah hun tawp dawn a Ball chhuak awm chhun V lamin an thun hlauh a, Tie Break , Sudden Death ah an la chak zui a, K hi hahdam taka T leh CH paltlangin V nen Final ah intumin a vanduai zawk ah an tang a, hmeichhe Football hi a hmuhnawm in en a manhla khawp mai, kan President hmuh beisei Player talent nei tha tak tak pawh hmuh tur an awm nual mai.

Mipa lam hi Section tin Team A leh B hi Tournament hrang hlak a khelh ani a, Organiser te remhriatna a fakawm khawp mai an inpuahchah nasa bawk a, kan chhe lemlo tlang khawp mai. A ni hmasa zawk a A Team inkhel awm chhun ah T Sect A leh K Sect A te inkhel in rinkai lo zawk T lamin an Penalty hmuh Captain Rinzuala'n chhuihlutin chak mai tura an Ian hnu ah K lamin an fitness chhawrin Playmaker Ziona leh zuangsang Peka head goal hmangin an chak hram a, T Sect Player te khelh that tehlul nen K Sect kher kher an tum fuh a vanduai zawk ah an tang ta ani. Hemi ni hian B Team ah CH leh T intumin Goal ah T Sect an vanduai a 6-1 bawr velin an chak ta lo a, a ni hmasa zawkah Field events ah chuan an tla fai vek mai. A ni hnihilna ah khan khua an tihar khawp mai. B Team a tha ber tura ngaih pahnih K Sect leh N inkhel hmuhnawm em em ah N lamin hnehnna changin ni 1 a an Game 2 na ah V Sect B Team lakah a vanduai zawkah an tang a, B Team khelah chuan an hmuhnawmin an khel a changkang khawp mai.

*(hmunawl in a daib lo tlat issue lehab kan chhunzawm dawn e)*

## CHAWNGBAWLA

Section hruaitute mahni bial theuhah Zawlbuk Fund taima taka khawn chhunzawm zel turin an in hriattir.

Faina Hapta hman mekah section mipuite mahni in leh a vel a theih ang anga vawngfai turin an in ngen.

Section chhunga Ui vulhtu te tun aia an Ui vulh khuahkhirh zawk tuirn an in ngen

Section Bungraw hawhtu te Incharge hriatpuina ngei a hawh thin turin an in hriattir. Bungraw hawhte dimdawih taka hmanga, a hun taka dah thin turin an in ngen.

An memberte YMA member tih awm chi reng rengah taima taka tel theuh turin an in fuih thar leh a ni.

## VANAPA

Thawlelhanah zanah Pu Vena te inah Section Committee koh tum ani a, member te kim taka kal turin an in chah. Ningani khan Upa Thanmawia & Sons Workshop ah Kuang siam hnatlang neih ani a, kuang 4 lai siam zawh a ni. Pu Laldawnghluu te chhungkua leh Pi Lungtiawii ten Thingpui tui takin an lumsak a, an Fin. Secy. hlui Pi Arovi'n Kuhva ei tur a leisak bawk.

Tv T.C.Lalthanpuia India aiawhin Karate khelin Malaysia ah a thang mek a, Tv Lalramngheta Mizoram U-16 Volleyball Team ah Chhattisgarh ah karleh lam khian a kal ang.

Pu Lalduhawma (Atea) ten Naute an nei thar.

Nimin Zingkar ah khan Section chhungah Faina hnatlang neih ani.

Zawlbuk Fund khawn mekah phal taka thawhlawm thawhtu zawng zawng chungah Section in lawmthu a sawi nawn leh. Hruaitu Fund la khawn zo lo te tunkar a khawn nawn leh turin an in chah. Pu FLala'n Zawlbuk Fund thawhlawm tuk ` 1000 bakah Zawlbuk hnatlang te hman atan ` 500 a pek belh ani.

Property lam ten information mike chhia an rawn repair sak zar zar thin a, an lawm takzet ani.

Facebook "CWB YMA VANAPASECTION" member te join zel turin an in sawm. Sport lai leh thlalak hlui tam tak en tur a awm e.

Section laili a luikawrah Vawkte thi paikh kan awm a, midang tan a rimchhia in a zia lo hle ani.

## TAITESENA

Rokhawlha dang a awm loh chuan tunkar lo awm tur Ni 11.10.11 (Thawlelhanah) zan hian section Committee neih tum a ni a, hruaitute hunawl lo insiamka taka theuh tum tawh turin an in ngen.

An Member Pu PC.Lalremsiama'n hun lo taka a boralsan chu an ui in a kalsan tak a nupui fanaute an tawrhpu hle.

Zawlbuk Fund Bial 7-na in an khawn zo tawh a, la khawn zo lo te pawh aranglama khawn zawh tum theuh turin an in ngen.

Chhiattawk kan awm a Mithi buhfai khawntute nasa zawka tan la thar leh theuh turin an in ngen.

Hruaitu leh memberte khawhar in len mai ni lo Branch hnatiang ah leh thildangah thahneemngai taka thawkchhuak turin an in ngen.

## KHUANGCHERA

Branch Sport ah an member te an in tawiawm tha hle a, theihtawp chhuah a Item hrang hranga tel te, sum leh pai tha leh zung sengtu te zawng zawng chungah section in lawmthu a sawi tak meuh a ni.

Vengchhung tawn tirh a, sual rawngbawlna kawnga a meizang hlapku lh huikhawmtu ber kan veng mi ngei mai chu CADS te hmalakna in thunun mek a ni a, a thianghlim sawt in an reh tawh hle. He lai hmun hi kawngpui kam a ni a, veng dangte lakah kan veng hmai a ti bal thin hle.

YMA Zawlbuk Fund October thla chhung atan an khawn mek a, section chhungtinte lakah beisei an ni sang hle. Zawlbuk sak lai mek hi tu ta bik mah a ni lo a, kan ta vek a ni tih i hre nawn leh ang u. Hnatlang a thawk chhuak thinte chungah lawmthu an sawi a, Tin, la thawk chhuak ve lo te pawh inthlahrung lo in lo thawk chhuak zel turin an in chah a ni.

Ni 6.10.2011 khan Section hruaitu ten kuang duan hnatlang an nei.

Tv. Laltharliana (Tharte-a) chu kan Branch aiawh turin Marathon Race ah a chhuak ve a, Section Committee-in an chhuang hle.

Section Committee Member Pu Lalrinmuana chu Rabung khaw lamah inneihna hmangin a zin mek a tluang taka a lo haw leh thuai an beisei.

Karleh hun remchang hmassa berah Section Committee koh tum a

(K-Section Report chhunzawmna)

ni a, hruaituten hun awl lo insiam turin an in ngen.

Branch Sport kan neih tuma Jersey Volleyball leh Football Men & Women la thehlut lo ten Section Treasurer hnenah thehluh tur a ni e.

Thla hmasa Electric Bill engemaw tuh sual palh avanga lo pek loh palh te chungah thupha kan chai a. Mipuite lo buailo turin kan in ngen a, a pangngai anga kal tir leh a ni tawh e.

## NEUVA

Pi Rosangi Kum 66 Maj. K. Thangkima'n a boralsan chu lusun chhungte an tawrhpu hle.

Ningani zan khan Committee pawimawh tak neiih thu pawimawh tak tak rel a ni.

Ningani nileng khan section bungraw chinfel leh kuang duan hnatlang an nei a, an thawk chhuak tha hle. Thingzai khawl hman tir thintu L.S. Bakery te chungah lawmthu an sawi.

Inrinni zing khan section Faina hnatiang an nei a, remchang hmassa berah neih leh thuai tum a ni.

An section thenawm atanga rawn pahthlak ni awm tak Vawkte thi Pu Malsawma Chhinte inbul Luikawr a mi chu a bul hnai a chengte tan a hrisel loh em avangin ching chhunzawm tawhlo turin an ngen.

An member Pu T.C. Lalhmingthanga New Life Hospital a inenkawl mek chu a dam leh thuai an duhsak.

Pu HVL. Zasanga leh Pu Lalnghenpuia te ` 500/- ve ve an rawn pe chu an lawm hle.

## ZCC NEWS

Dt. 4.10.2011 thawlelhanah Assan Rifle Rising Day lawmna ah lam chi thum entir a ni.

An hruaitu Pu Zonunmawia'n Dt. 2.10.2011 Sunday a hruaitute chawei a a sawm chu an lawmin zawng chhang thlak an ti hle.

C.M. Running Trophy Hnamlam intihsiai turah kan Branch YMA pakhatna ni ngei turin duhsakna an hlan.

## MUP NEWS

Vawiin chawhnu inkawm ban ah Pi Rosangi W/o Maj. K. Thangkima Ralna a neih tur a ni a, kal tur upa zualte tan kalna tur Bus a awm dawn a, inkawm ban veleh Pu B. Savunga in ah kal tur te chu inngah khawm tur a ni e.

**Sub - Committee Report****Thlanmual :-**

Thlan laihna hmanrua chher hriam a ni a, uluk taka hmang thin turin mi tin an in ngen a. Kuang thlakna hrui zen thar an nei bawk.. Hmanruate hi felfai taka dah leh thin turin an in chah.

**CWSC NEWS**

Vanlalthanpuia S/o T.C.Lalremsiama chu India ram aiawha World Karate Championship khel turin a feh chhuak ta. Ni 11.10.2011-ah Malaysia an thlawk lut ang a, ni 14.10.2011-ah a khel dawn a ni. Vanlalthanpuia rual hian J.Vanlalenkawla, Saiha chu Junior category below 61kgs-a khel turin a thawk chhuak ve bawk. Mizo rawlthar ram leh hnam tana rammau ten hnehna an chan theih nan leh tluang taka an zin kawng an hlenchhuah theih nan i tawngtaisak mawlh mawlh ang u.

**Volleyball Sub - Committee :-**

Indoor Stadium ah Practise kalpui mek a ni a, players te practise ngawrh leh zual turin an in chah a, vengchhung mi volleyball a tui la khel ve ngai lo in zir thar duh zawng zawng te pawh inhlahrung lo a practise zawm turin an sawm.

Tunkar hun remchangah Committee neih tum a ni a, hruitute hunawl lo in siam turin an in chah.

**Football Sub - Committee :-**

Tun thla tawp hian 2<sup>nd</sup> Div. Tournament ADFA chuan a buatsah leh dawn a, players te tun atangin lo in la fit tur leh thahnemngai taka practice turin an in hriattir a ni.

Sumtuakna Monthly Contribution (hruitu bil) khawn mek a ni a, section tina a khawntu te kan khawn ang ang Pu R. Lalsangzuala hnenah aranglama theh lut turin an in hriattir.

Tournament lo awm leh mai tur atana sumtuaknan vengchhungah Sangha zawrh tum a ni a, vengchhung nu leh pa te tlwmngaia lo leisak theuh turin an in ngen lawk.

Vawiin tlai Dar 3 ah hian hruitu leh Players zawng zawngte thu pawimawh tak ngaihtuah ho tur a awm avangin Indoor Stadium TT Hall-ah kim taka kal khawm tur a ni e.

**Thil Chhar**

Chawngbawla Section-ah hmeichhe purse achhunga pawisa awm chhar a ni a, a neitu chuan Chawngbawla Section Leader Pu K. Lalthakima hnenah lam theih a ni e.

**Central YMA hruiatu thlan atana hriattirna pawimawh**

YMA General Conference 2011, Ni 25-27.10.2011 chhunga neih turah YMA Member-te a tam thei ang ber kal turin CYMA chuan a sawm a, Inthlan kum a nih leh tak avangin, Office Bearers 2011-2013 thlan chungchanga hriat tur pawimawhte CYMA atanga thuchhuah kan han tarlang e.

1. YMA Danbu Bung V Chang 26 (7) in a sawi angin Central YMA hruiatu thlang theite chu hengte hi an ni :-

(a) Central YMA Office Bearers  
(b) Central Executive Committee Members

(c) Central YMA Office Bearers lo ni tawh te

(d) Sub-Headquarters Office Bearers

(e) Sub-Headquarters Executive Committee members 10

(f) Group YMA Office Bearers  
(g) Branch YMA-tin atangin

Branch YMA aiawh mi 6 (paruk) zel, inthlanna vote nei tura Branch Executive Committee-in a ratatte.

(h) Heng a chunga sawi, nihna pawimawh pakhat aia tam chelh an awm thei a, chutiang mi te chuan vote khat chauh zel an nei thei ang.

2. Kumin hian Voter Identity Card siam tur a nih avangin, Branch President leh Secretary Seal chuang ngei Vote thlak turte hming ziahna lehkhakengin Voter ID Card hi Election Office/Pandal bulah ni 26.10.2011 dar 11:00AM - 10:00 PM leh ni 27.10.2011 dar 6:00 - 8:00 Am thleng lak theih a ni ang. Huntiam chhunga Voter ID Card la chhuak hman lo ten a hnu lamah lak chhuah theih a ni lovang. Rokhawlhna awm thulhah President leh Secretary Seal ken nise.

3. Voter ID Card lakchhuahna tur Counter 7 siam a ni ang, hetiangin :-

- 1) Sub-Hqrs. YMA, Lunglei
- 2) Sub-Hqrs. YMA, Champhai
- 3) Sub-Hqrs. YMA, Kolasib
- 4) Sub-Hqrs. YMA, Mamit
- 5) Sub-Hqrs. YMA, Serchhip
- 6) Aizawl City Branch, CCC.
- 7) Sub-Hqrs. hnuaria awm lo Group leh Branch te.

Intlan thiaghlim leh felfai tak neih a nih theih nan Sub-Hqrs./Group/Branch hruiatu ten mahni zawn theuhah hma lak nise, a bik takin Voters I.D. lakchhuah chungchanga thil felhlel awm thei lakah fimkhur theuh turin Branch tin te a ngen a ni.

**HETAH HIAN SMS LA  
>>9774170328<<**

Kan veng hmeli lanna ber Kawipui a zan rei tak tak thlenga ruihtheih thil ualau taka ti a kawnga kal leh lirthei a chuang te lo au nawmnah a, buaina siam thin te hi YMA hruiatute hian hnawksak an ti ve em aw ? Veng hmeli an tibal khawp mai.

**985672\_16**

Khawhar in ah hian hla hi kan tui emaw tuilo emaw nawn ngei ngei tur em ni ? Hla tam kan sa hman hleinem.

**977491\_09**

Kan veng Councillor te inbul Street Ligh hi a va thim rei tawh ve. Tu te hmalak tur nge?

**986257\_80**

**(SMS kan dawn te hi Ed. Bd  
ngaihdan a ni vek kher lo)**

**CHUANAWM**

Dt. 6.10.2011, 2<sup>nd</sup> Inter Branch YMA Half Marathon Race (22 Km) Mizoram pum atanga infiammi 106 tlan zing ah kan branch aiawhin Tv. Laltharliana (Thartea) Khuangchera Section chuan Rank 11-na lain Consolation Prize a dawng chu Branch YMA chuan ropui a tiin a chhuang hle a ni.

**Zawlruk Hnatlang**

Tunkar chhungin Branch hnatlang vawi 4 neih a kan thawhchhuah dan.

1. T - Section -24, K - Section -24 Branch O.B. -1

**TOTAL -49**

2. V - Section -16CH- Section - 8

**TOTAL -24**

3. Hnatlang zat - 40

4. V - 4, Ch -2 T -2, K-14, N - 11

**TOTAL - 33**

(Branch Committee - 7, Section Committee - 8, Member - 18)

**Silver Oak (Gravillea Robusta)**

Chamnari West thlanmual hluiah hian Silver oak kung engemaw zat a awm a. Zing ni eng in a han en hian, thli a lo tleh bawk chuan a hming ang duh hian silver rawng hian zu tle siau siau a! A hming a pu zo khawp mai.

R. Thansanga (R.T.S.)

**Theihngihilh**

Sub-Centre-ah Nihliap theihngihilh a ni a, a neitu chuan aranglama lam tur a ni e.